

МОНГОЛ УЛСЫН ХУУЛЬ

ХУУЛЬ ХҮЧИНГҮЙ БОЛСОНД ТООЦОХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл. 2004 оны 4 дүгээр сарын 30-ны өдөр баталсан Даатгалын мэргэжлийн оролцогчийн тухай хуулийг хүчингүй болсонд тооцсугай.

2 дугаар зүйл. Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

САНХҮҮГИЙН ЗОХИЦУУЛАХ ХОРООНЫ ЭРХ ЗҮЙН БАЙДЛЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл. Санхүүгийн зохицуулах хорооны эрх зүйн байдлын тухай хуулийн 3 дугаар зүйлийн 3.1.4 дэх заалтыг доор дурдсан агуулгаар өөрчлөн найруулсугай:

“3.1.4.даатгалын төлөөлөгч, брокер, банк-зуучлагчийн Даатгалын зуучлалын тухай хуульд заасан үйл ажиллагаа;”

2 дугаар зүйл. Санхүүгийн зохицуулах хорооны эрх зүйн байдлын тухай хуулийн 2 дугаар зүйлийн 2.1 дэх хэсэг, 6 дугаар зүйлийн 6.2.4 дэх заалт, 22 дугаар зүйлийн 22.5 дахь заалт, 24 дүгээр зүйлийн 24.5 дахь заалтын “мэргэжлийн оролцогчийн” гэснийг “зуучлалын” гэж, 22 дугаар зүйлийн 22.5 дахь хэсгийн “8, 9, 10, 11, 12, 38, 39 дүгээр зүйлд” гэснийг “8, 9, 10, 11, 12, 13, 14, 18, 19, 20, 21, 42, 43, 44 дүгээр зүйлд” гэж, 24 дүгээр зүйлийн 24.5 дахь хэсгийн “30, 31, 32, 33, 34 дүгээр зүйлд” гэснийг “34, 35, 36, 37, 38 дугаар зүйлд” гэж тус тус өөрчилсүгэй.

3 дугаар зүйл. Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

ЗӨРЧЛИЙН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл.Зөрчлийн тухай хуулийн 11.14 дүгээр зүйлийн 1, 2, 8, 9 дэх хэсгүүдийг доор дурдсан агуулгаар өөрчлөн найруулсугай:

“1.Зөвшөөрөлгүйгээр даатгалын зуучлалын үйл ажиллагаа эрхэлсэн бол хууль бусаар олсон хөрөнгө, орлогыг хурааж даатгалын зуучлагчийг хоёр мянган нэгжтэй тэнцэх хэмжээний төгрөгөөр торгоно.

2.Даатгалын зуучлагч дүрмийн сангийн доод хэмжээг хуульд заасны дагуу бүрдүүлээгүй, эсхүл дүрмийн сан хуульд заасан хэмжээнд хүрэхгүй болсон тохиолдолд эрх бүхий байгууллагад мэдэгдэх үүргээ биелүүлээгүй бол даатгалын зуучлагчийг гурван мянган нэгжтэй тэнцэх хэмжээний төгрөгөөр торгоно.

8.Даатгалын зуучлалын үйл ажиллагаа эрхлэх зөвшөөрөл хүсэж байгаа этгээд, эсхүл даатгалын зуучлагч болон бусад этгээдээс хууль, даатгалын журамд заасны дагуу эрх бүхий байгууллагад гаргаж буй зөвшөөрөл хүссэн өргөдлийг хэлэлцэн шийдвэрлэхээс өмнө эрх бүхий байгууллагад ирүүлсэн мэдээлэл, баримтад өөрчлөлт орвол зөвшөөрөл хүссэн этгээд энэ тухай даруй бичгээр, эсхүл цахим хэлбэрээр мэдэгдэх үүргээ биелүүлээгүй бол хүнийг хоёр зуун нэгжтэй тэнцэх хэмжээний төгрөгөөр, хуулийн этгээдийг хоёр мянган нэгжтэй тэнцэх хэмжээний төгрөгөөр торгоно.

9.Аливаа этгээд Даатгалын зуучлалын тухай хуульд заасан үүргээ биелүүлээгүй бол хүнийг гурван зуун нэгжтэй тэнцэх хэмжээний төгрөгөөр, хуулийн этгээдийг гурван мянган нэгжтэй тэнцэх хэмжээний төгрөгөөр торгоно.”

2 дугаар зүйл.Зөрчлийн тухай хуулийн 11.14 дүгээр зүйлийн 3 дахь хэсгийн “зуучлагч, даатгалын хохирол үнэлэгчийн” гэснийг “зуучлагчийн” гэж, 4, 6 дахь хэсгийн “мэргэжлийн оролцогч” гэснийг “зуучлагч” гэж, 7 дахь хэсгийн “хоногийн” гэснийг “өдрийн” гэж тус тус өөрчилсүгэй.

4 дүгээр зүйл.Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

МӨНГӨ УГААХ БОЛОН ТЕРРОРИЗМЫГ САНХҮҮЖҮҮЛЭХТЭЙ
ТЭМЦЭХ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл. Мөнгө угаах болон терроризмыг санхүүжүүлэхтэй тэмцэх тухай хуулийн 4 дүгээр зүйлийн 4.1.3 дахь заалтын “мэргэжлийн оролцогч” гэснийг “зуучлагч” гэж өөрчилсүгэй.

2 дугаар зүйл. Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

МАЛЫН ИНДЕКСЖҮҮЛСЭН ДААТГАЛЫН ТУХАЙ
ХУУЛЬД ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл. Малын индексжүүлсэн даатгалын тухай хуулийн 2 дугаар зүйлийн 2.1 дэх хэсгийн “мэргэжлийн оролцогчийн” гэснийг “зуучлалын” гэж өөрчилсүгэй.

2 дугаар зүйл. Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

БАНКНЫ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл. Банкны тухай хуулийн 6 дугаар зүйлийн 6.2.3 дахь заалтын “даатгалын зуучлагч” гэснийг “банк-зуучлагч” гэж өөрчилсүгэй.

2 дугаар зүйл. Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

ЗӨВШӨӨРЛИЙН ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ

2024 оны ... дугаар
сарын ... -ны өдөр

Улаанбаатар
хот

1 дүгээр зүйл.Зөвшөөрлийн тухай хуулийн 8.1 дүгээр зүйлийн 2 дахь хэсэг, 8.2 дугаар зүйлийн 2 дахь хэсэгт доор дурдсан агуулгатай заалтыг тус тус нэмсүгэй:

1/ Зөвшөөрлийн тухай хуулийн 8.1 дүгээр зүйлийн 2 дахь хэсэг:

2.39. Банк-зуучлагчийн үйл ажиллагаа эрхлэх	Санхүүгийн зохицуулах хороо
---	-----------------------------

2/ Зөвшөөрлийн тухай хуулийн 8.2 дугаар зүйлийн 2 дахь хэсэг:

2.53.Даатгалын төлөөлөгчийн үйл ажиллагаа эрхлэх	Санхүүгийн зохицуулах хороо
2.54.Гадаадын даатгалын брокер Монгол Улсад салбар, төлөөлөгчийн газар нээх	Санхүүгийн зохицуулах хороо

2 дугаар зүйл.Зөвшөөрлийн тухай хуулийн 8.1 дүгээр зүйлийн 2 дахь хэсгийн 2.14 дахь заалтын “зуучлагчийн” гэснийг “брокерын” гэж өөрчилсүгэй.

3 дугаар зүйл.Зөвшөөрлийн тухай хуулийн 8.1 дүгээр зүйлийн 2 дахь хэсгийн 2.13 дахь заалтыг хүчингүй болсонд тооцсугай.

4 дүгээр зүйл.Энэ хуулийг Даатгалын зуучлалын тухай /шинэчилсэн найруулга/ хууль хүчин төгөлдөр болсон өдрөөс эхлэн дагаж мөрдөнө.

Гарын үсэг

МОНГОЛ УЛСЫН ХУУЛЬ

2024 оны ... дугаар
сарын ...-ны өдөр

Улаанбаатар хот

УЛСЫН ТЭМДЭГТИЙН ХУРААМЖИЙН ТУХАЙ ХУУЛЬД
ӨӨРЧЛӨЛТ ОРУУЛАХ ТУХАЙ

1 дүгээр зүйл. Улсын тэмдэгтийн хураамжийн тухай хуулийн 18 дугаар зүйлийн 18.2 дахь хэсгийн “мэргэжлийн оролцогчийн үйл ажиллагааны тусгай зөвшөөрөл олгоход” гэснийг “зуучлалын үйл ажиллагааны зөвшөөрөл олгоход” гэж, мөн хэсгийн 18.2.2 дахь заалтын “зуучлагчийн” гэснийг “брокерын” гэж, 18.2.1 дэх заалтын “тусгай” гэснийг “энгийн” гэж тус тус өөрчилсүгэй.

2 дугаар зүйл. Энэ хуулийг Даатгалын тухай хууль /шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

Гарын үсэг